



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De morte inclusi de S. Maximino in Colonia, cap. 27.

urn:nbn:de:hbz:466:1-13177

in refrigerio erunt: multis enim causis omissis, quæ assignari possent, quare id Dóminus permittat, vna est, vt virtutes eorum occultæ patefiant.

CAPUT XXVI.

*Iustos in
terdum
violentia
morte
interire.*

Ante hoc quinquenniū, qui nunc est dux Baioariæ, vnum ex Abbatibus ordinis nostri ad se vocauit, nescio quid cum eo tractatus; nocte præparatus est ei lectus in horreo, qui cùm dicto cōplerorio iisset cubitum, lumen, quod a Convento posti fuerat infixum, in stramen cecidit, & in flamas profecit: à quibus Abbas excitatus, cùm ostium exire non posset, in modum crucis se in terram prosternens, exitum suum Domino commendauit. Comperto incendio, dux cù militibus & omnibus qui aderant accurrit, rejectisque lignis ac stipulis, Abbatem semiustum atque extinctum extraxerunt: & ecce circa pectus eius apparuit capsella cum reliquiis, ventre verò eius catena ferrea stringebat; quibus visis, dux compunctus dicebat: Videte quod sancto isti vita vestimentorum asperitas sufficere non potuit, nisi etiam catenam superadderet. Sepultusque est Ratisbona in Ecclesia maiori. Post dies paucos, cùm duo milites in eodem loco Missam audirent, unus sepulcrū eius ascendit. Ut autem Deus ostenderet, qualis esset mériti illuc tumulatus, miles tam vehementer in pedibus ardere coepit, vt desiliens clamaret: quo comperto, alter respondit: Sepulchrum est illius combusti Abbatis. Ex illa die, habitus est in eadem Ecclesia in magna veneratione.

CAPUT XXVII.

*Mors bona eorū,
qui alio quando
malè uti-
cerant.*

In ecclesia sancti Maximini in Colonia tempore meis quidam fuit inclusus cœnobij eiusdem initiator: est enim illic congregatio sanctimonialium. Hic ante conuersationem concubinam habuerat, & quia simul peccauerant, similem suscep- runt pænitentiam adeò duram, vt vterque circulo ferreo ventrē suum ligaret. Ipse verò in prædicto loco se includes, Missas suas celebrando, Domino vacabat, cui illa foris in habitu religioso ministrabat necessaria. Adu-

Adueniente tempore vocationis eius, dominum En-
fidum Decanum sancti Andreæ, cuius vita in di-
stinctione sexta cap. 5. descripsi, vocauit, confessione
fecit, vitam reuelauit: cui ille in virtute sanctæ obe-
dientiæ præcepit, ut circulum sineret deponi, quod &
fecit; sicque eo defuncto, mulier post paucos dies cœ-
pit infirmari: & quia timuit quod sacerdoti accide-
rat, secretum suum prodere noluit, cuius virtutē Deus
non sinebat esse occultam. In hora verò qua expira-
vit, vinculum eius dirupit, cumque fines ligaturæ il-
lius ferreae, tunicam, in qua moriebatur, ex utroque
lateraliter suspenderent, multæ matronæ, feminæ sanctæ
exitum præstolantes, postquam rem cognoverunt, de
tanto miraculo Deum glorificauerunt. Hæc mihi re-
lata sunt à filia sororis predicti sacerdotis. Vincula
ista reuocant mihi ad memoriam, mortem cuiusdam
sanctimonialis pretiosam.

CAPUT XXVIII.

IN Brabantia apud Niuelliam, monasterium san-
ctæ Gertrudis virginis, puella quædam nobilis
exitit, Clementia nomine: hæc cùm suadente
diabolo lapsum carnis incurritset, tunicam innocen-
tiæ, quam polluerat, quotidianis lachrymis mundare
satagebat: sic dedita erat operibus misericordiæ, ut
omnes suos redditus pauperibus erogando, nihil pe-
nè sibi retineret. Tempore quodā circa hyemis prin-
cipium, cùm ferè nuda esset, nimisque egeret, sedens
iuxta altare sanctæ Gertrudis, sic orauit: O dulcissi-
ma Domina, quomodo tibi seruam in hyeme hac, cù
nihil habeam? Eadem hora superueniens quidam
peregrinus, cùm ad memoriam iam dictæ virginis
orasset, quinque solidos in sinum Clementiæ jactauit,
& abiit. Hoc quasi pro miraculo ipsa Wigero mona-
cho Vilariensi retulit, & ipse mihi. Cùm autem mo-
rereetur, inuenti sunt circa corpus eius nouem circuli
ferrei. APOLLONIVS: Mirabilia operatur Deus in sexu
fragili. CAESARIVS: Licet propositi mei sit in hac
distinctione tantum tractare de morientibus, refe-
ram tibi tamē, per occasionem huius sanctimonialis,

Vv 2

for